

## Su ebbes find kooner mieh.

In sooner Zeit wie ewe, su um die Fassenacht erum, heert merr joo vill vunn dene Knittelverse, im Radio unn besonnens im Fernseh. Nitt immer sinnse gut, awwer allsfort sinnse zum Lache. Unn doodriwwer hawwe mir omm Stommdisch geschwätzt, unn dass ess zum Staune iss, wie vill vunn dene Fassenachder ihr Redd vortraache odder aach ohne ze reime gradaus babbele kenne, unn alles ohne uffen Zeddel ze gucke.

Doo sät de Schorsch: Ah, Zeddel! – ich habb ooner mettgebrochd, unn schunn hottern außem Säckel geholld, nimmt enn Schluck Äbbelwoi unn fängt oo vorzelese. De Karl unn ich, mir hawwes Maul uffgerisse vor Staune, su ebbes hadde mir vunn unserm ahle Kumpel Schorsch joo noch nie geheerd.

Unn dess hotter vorgelese:

*Die Städte aber wollen nur das Ihre und reißen alles mit in ihren Lauf.  
Wie hohles Holz zerbrechen sie die Tiere und brauchen viele Völker brennend auf.*

*Und ihre Menschen dienen in Kulturen und fallen tief aus Gleichgewicht und Maß,  
und nennen Fortschritt ihre Schneckenspuren und fahren rascher wo sie langsam fahren,  
und fühlen sich und funkeln wie die Huren und lärmten lauter mit Metall und Glas.*

*Es ist, als ob ein Trug sie täglich öffte, sie können gar nicht mehr sie selber sein;  
das Geld wächst an, hat alle ihre Kräfte und ist wie Ostwind groß, und sie sind klein  
und ausgeholt und warten, dass der Wein und alles Gift der Tier- und Menschensäfte  
sie reize zu vergänglichem Geschäfte.*

*Und deine Arme leiden unter diesen und sind von allem, was sie schauen, schwer  
und glühen frierend wie in Fieberkrisen und gehn, aus jeder Wohnung ausgewiesen,  
wie fremde Tote in der Nacht umher;  
und sind beladen mit dem ganzen Schmutze, und wie in Sonne Faulendes bespien, -  
von jedem Zufall, von der Dirnen Putze, von Wagen und Laternen angeschrien.*

*Und gibt es einen Mund zu ihrem Schutze, so mach ihn mündig und bewege ihn.*

Was war donn dess, hott de Karl gefroochd, bist du jetz unner die Dichter gonge?  
Doo staunderr, was?, hott de Schorsch gesaad, awwer ehrlich, ich habb dess innere Zeidung gefunne unn ich habb gedenkt, jetz, wo merr doch alls su oofache Verse heern unn aach vumm Fluchhafe schwätze, doo wärs emol gons gut ze lese, was enn rischdische Dichter su ums Johr neunzehnhunnert erum geschriwwe hott.

Was fern Dichter war donn dess?, habb ich gefroochd.

De Schorsch druff unn gons stolz: Ei de Rainer Maria Rilke, geschriwwe im Stunden-Buch. Ihr liewe Leit, hott de Karl gemoont, also war dess schunn immer su mett dene hohe Herrn unn mett uns arme Schlucker.

Ja, saach ich, dess war su unn dess heert nitt niemols uff.

Donn warn merr enn Aacheblig still, bis de Schorsch gesaad hott: Ihr Männer, merr moont, der Rilke hädd dess mett Flerschem unn dem Fluchhafe erlebt. Mir mache joo enn Haufe Plakate unn su, awwer su Worte wie der, naa, su Worte unn Reime find kooner mieh.

Eiern Honnes